

\*"মিষ্টি বাচ্চারা - তোমরা কর্মযোগী, সবসময় চলতে ফিরতে তোমাদের স্মরণের অভ্যাস করতে হবে, অবিরত বাবার স্মরণে থেকে নর থেকে নারায়ণ হওয়ার পুরুষার্থ করো"\*

\*প্রশ্নঃ - নিশ্চয় বুদ্ধি বাচ্চাদের মুখ্য নিদর্শন কি ?\*

\*উত্তরঃ - বাবার প্রতি তাদের পূর্ণ ভালবাসা থাকবে। তারা বাবার প্রতিটা আদেশ পূর্ণরূপে পালন করবে। তাদের বুদ্ধি বাইরের জগতে এদিক ওদিক ঘুরে বেড়াতে পারেনা। তারা রাত্রি জেগেও বাবাকে স্মরণ করবে। স্মরণে থেকে ভোজন তৈরি করবে।\*

\*গীতঃ- তোমার নিশিথ কেটেছে শয়নে, দিবস গেছে ভোজনে.....\*

\*ওম্ শান্তি\* । সর্বাগ্রে, বাচ্চারা তোমাদের এই বিশ্বাস থাকা উচিত যে, বাবা এখানকার নিবাসী নন। পরমধাম থেকে এসে তিনি আমাদের পড়ান। কি পড়ান? মানুষ থেকে দেবতায় রূপান্তরিত করতে উচ্চতম থেকেও উচ্চ বাবা, আমাদের উচ্চতম থেকেও উঁচু পড়া পড়াচ্ছেন। এই পড়া অতি প্রসিদ্ধ। এই পড়ার মাধ্যমে অসুর থেকে দেবতায় এবং বানরেরা মন্দিরে বিরাজিত পূজ্যতে পরিণত হয়। মানুষের মতন মুখ হওয়া সত্ত্বেও তাদের বিকার সেই বানরের থেকে অধিক থাকে। বানরের ক্ষমতার থেকে মানুষের ক্ষমতা অনেক বেশী, তারা অনেককিছু শিখে শক্তি কায়ম করে। এখানেও কেউ কেউ বাবার থেকে শিখে স্বর্গের রাজধানী স্থাপন করে। কেউ আবার সায়েন্স পড়ে নরকের বিনাশ করে। যথাযথভাবে এখন এই সময়ে স্থাপনা এবং বিনাশের কাজ হচ্ছে। বিনাশ সবসময় পুরানো জিনিসেরই হয়। তারা সবাই রাবণকে সেলাম করে। একমাত্র তোমরাই রামকে সেলাম করো। তোমরা বাচ্চারা রাম এবং রাবণ উভয়কেই জানো। মানুষ বলে, ব্যাস গীতা শুনিয়েছেন। গীতায় তারা ভগবানুবাচ বলে যা উল্লেখ করেছে তা সত্য। কিন্তু তারা ভগবানের নাম পরিবর্তন করে তাকে মিথ্যে করে দিয়েছে। বাবা তোমাদের অনেক বুঝিয়েছেন। প্রদর্শনীতে একটা কথা শুধু মানুষকে বুঝে নিতে হবে যে, গীতার ভগবান নিরাকার শিব কোনও মানুষ নন, তবুও তারা এটা বোঝেনা। এও ড্রামাতে নির্ধারিত হয়ে আছে। একমাত্র সন্ন্যাসীরা তাদের নিজেদের অসুখী মনে করেনা। বাস্তবে, তারাও নিশ্চয়ই অসুখী, তবুও তারা বলবে যে, তারা অসুখী নয়; অথবা বলবে এই দেহ অসুখী, আত্মা কখনও অসুখী হয়না। তারা বলে, আত্মা যে, সেই তো পরমাত্মা, তাহলে আত্মা কিভাবে দুঃখী হতে পারে! এই জ্ঞান রং নলেজ। এখন এই ভূমি অসত্যের। ভারত যখন স্বর্গ ছিল, তখন ছিল সত্যভূমি। বাবা বোঝান, ড্রামা অনুসারে দিন-দিন দুঃখ বেড়েই চলবে। যতই তোমরা যজ্ঞ করো অথবা দান পুণ্য করো না কেন তবুও তার ফলাফল কি হবে? তোমরা ক্রমশঃ সেই নীচেই নামবে। এই সময়ে তারা নরকের, ১০০% ভ্রষ্টাচারী বাসিন্দা। এই কারণে, এমন সময় বাবা আসেন যখন সবাই দুঃখী এবং সমস্ত অ্যাক্টররা এখানে নীচে নেমে এসেছে। কিছু এখনও আসছে, তবে মেজরিটি এসে গেছে। কিন্তু মানুষ এখন আরও দুঃখী হয়ে যাবে, তারা ঈশ্বরকে স্মরণ করবে। ভগবান তো তোমাদের নিজেই পড়ান। তাহলে! কত ভালোভাবে তোমাদের পড়া উচিত! বাবা, টিচার, সঙ্কর এই তিনই একত্রিকৃত, এখন আর কার কাছে যাবে? বাবা বলেন, তোমরা গৃহস্থ ব্যবহারে থেকেও যদি আমি- নিরাকার পরমাত্মার মতে চলো, তবে তোমরা শ্রেষ্ঠ হতে পারো। অন্য কোনও গুরুর মত অনুসরণ করোনা। তোমরা জিজ্ঞাসা করো, পরমপিতা পরমাত্মার সাথে তোমাদের

সম্পর্ক কি ? তিনি গড় ফাদার হলে তবে তো নিশ্চয়ই বাবার থেকে নতুন দুনিয়ার উত্তরাধিকার পাওয়া উচিত । এটা কারও বুদ্ধিতে আসেনা যে ফাদার মানেই রচয়িতা, যিনি একমাত্র স্বর্গের রচনা রচছেন । যাই হোক তিনি নিরাকার । মানুষ তো এও জানেনা আত্মা নিরাকার । আত্মার রূপ কি ? পরমাত্মার রূপ কি ? আত্মা অবিনাশী এবং পরমাত্মাও অবিনাশী । প্রত্যেক আত্মার মধ্যে অবিনাশী পার্ট লিপিবদ্ধ করা আছে । মানুষ যখন এই সমস্তগুলো শোনে, তাদের বুদ্ধিতে পাক খেতে থাকে । যারা পূর্ব কল্পে উত্তরাধিকার লাভ করেছিল, তারাই পুরুষার্থের ক্রমানুসারে সবকথা বুঝতে পেরে যায় । এখন, বাচ্চারা তোমাদের বুদ্ধিতে দৃঢ় নিশ্চয় আছে এবং বাবার প্রতিও তোমাদের লাভ আছে । শিববাবা এক ফরমান জারি করেছেন, খেতে শুতে আমায় স্মরণ করো । স্মরণের অভ্যাসে তোমাদের বিকর্ম বিনাশ হবে আর তোমরা উঁচু পদও লাভ করবে । যদিও কেউ কেউ এখানে বসে আছে তবুও তাদের বুদ্ধি বাইরের জগতে বিচরণ করছে । ভক্তিমার্গে যেমন হয় । মায়ার রাজ্য যে, তাই না ! তোমাদের বুদ্ধি বাহ্যিক জগতে ঘুরে বেড়ালে জ্ঞান ধারণ করতে তোমরা অপারগ হবে । খুব মুশকিলের সাথে হয়তো কয়েকজন বাবার নির্দেশে চলে । বাবা বলেন, তোমাদের মাথার উপর পাপের ভারী বোঝা এবং এই কারণে রাত্রি জেগে আমাকে স্মরণ করো, তোমরা সহায়তা লাভ করবে । চলতে ফিরতে আমাকে স্মরণ করার অভ্যাস করো । ভোজন বানানোকালীন স্মরণ করতে অনেক মেহনত দরকার । তোমরা বারংবার বাবাকে ভুলে যাও । বাচ্চারা, স্মরণের এই অভ্যাস তোমাদের যথার্থভাবে করতে হবে । ২৪ ঘন্টার মধ্যে তো ১৬ ঘন্টাই তোমরা ফ্রি । সুতরাং, নিশ্চয়ই করে আট ঘন্টা তোমাদের স্মরণে থাকতে হবে । তোমরা কর্মযোগী । বাবা বলেন, সবকিছু করতে করতেই আমার স্মরণে থাকো । সাধারণ নর থেকে নারায়ণ হওয়ার পুরুষার্থ করলে ঘরে বসেই প্রচুর উপার্জন করতে পারো । গুরুত্বপূর্ণ ব্যক্তিরও আসবে কিন্তু তখন সেটা হয়ে যাবে টু লেট । তোমাদের মধ্যেও অনেকে বলে, আমি লক্ষ্মীকে অথবা নারায়ণকে বরণ করব, অথচ মুহূর্ত্ত ভুলে যায় । এইরকম অনেক আছে যারা বলে, এই কথা আমার বুদ্ধি মানতে নারাজ যে, শিববাবা এঁনার মধ্যে আসেন ; হয়তো কোনও শক্তি আছে, আকর্ষণ আছে । যাই হোক, বাচ্চারা বাবাকে বুঝতে পারেনা, কারণ শাস্ত্রে বলা হয়নি বাবা আসেন । গীতা সবচেয়ে উঁচু শাস্ত্র । সেখানেও মানুষের নাম ঢুকিয়ে দিয়েছে । তাহলে, উচ্চতম থেকেও উচ্চ ভগবানের নাম কিভাবে নীচের দিকের শাস্ত্রে হতে পারে ? বাবা বলেন, তারা কত বড় ভুল করেছে ! আমি এই রুদ্র জ্ঞান যজ্ঞ রচনা করেছি । কৃষ্ণকে তো শ্যামসুন্দর বলা হয়ে থাকে । রাধা-কৃষ্ণই তো লক্ষ্মী-নারায়ণ হন । তাঁরাই পুরো ৮৪ জন্ম নেন । এমনকি তোমরা যদি ৮৪ লাখ জন্মের কথা বলো, তাহলেও লক্ষ্মী-নারায়ণই স্বর্গে প্রথম আসেন । বাবা বোঝান, তোমরা যারা দেবী-দেবতা ধর্মের তারা ৮৪ জন্ম নিয়েছ । তোমরাই ছিলে নাস্ত্রার ওয়ান । তোমাদের রাজধানী এখন স্থাপন হচ্ছে । লক্ষ্মী-নারায়ণ তোমাদের মাতাপিতা ছিলেন । এখন তোমাদেরই রাজধানী গড়ে উঠছে । তোমরা এখনও সম্পূর্ণ হওনি, কিন্তু অবশ্যই তোমরা সেইরকম হয়ে যাবে । এই কারণেই তো তোমাদের সূক্ষ্ম বতনের সাফাত্কার হয় । তোমরা নিজেদের সম্পূর্ণ ফরিস্তা মনে করো । ফরিস্তা হওয়ার পরে তারা লক্ষ্মী-নারায়ণ হয় । তাঁদেরও সাফাত্কার হয় তোমাদের । ততস্বম্ অর্থাৎ তোমাদের ক্ষেত্রেও তা' প্রযোজ্য, তোমরাও তৈরি হচ্ছে । কত স্পষ্টভাবে তোমাদের বুঝিয়ে দেওয়া হয় । আজকাল স্কুলগুলোতে গীতা পড়ানো হয়, যা পড়ে তারা দক্ষ হয়ে ওঠে এবং তারা নিজেরাই পরে অন্যদের পড়ায় । এইভাবে তারা পণ্ডিত হয়ে যায় । গীতা শোনার অনেক শ্রোতাই তাদের অনুগামী হয়ে যায় । তাদের কথা অতি মধুর, তারা খুব সুন্দরভাবে শ্লোক আবৃত্তি করে শোনায়, তাসত্ত্বেও তারা কিছু লাভ করেনা ; তারা তমঃপ্রধান হয়ে যায় । বাবা এসে তোমাদের সতাপ্রধান বানান, কিন্তু তোমরা সেটা হও পুরুষার্থের ক্রমানুসারে । সকল আত্মা শক্তিমান হতে পারেনা । একমাত্র বাবাকে সর্বশক্তিমান বলা হবে

। লক্ষ্মী-নারায়ণকে বলা যাবেনা । একমাত্র এই সময় তোমরা শক্তির কথা বলো । এখন তোমরা তোমাদের রাজ্যপাটের অধিকার লাভ করছ । এখন তোমরা বরপ্রাপ্ত হচ্ছ । বাবা বলেন, অমর হও, দীর্ঘজীবী হও ! সত্যযুগে মৃত্যু তোমাদের কাছে আসতে পারবেনা । এমনকি 'মৃত্যু' শব্দের লেশমাত্র থাকবেনা । তোমরা বলবেনা অমুকের মৃত্যু হয়েছে, তোমরা বলবে- আমি এই পুরাতন দেহ ছেড়ে আরেক নতুন দেহ নেব । মহাকালেরও মন্দির আছে । তারা মন্দিরের ভিতরে শুধু শিবলিঙ্গ রেখে অনেক পতাকা লাগিয়ে দিয়েছে । এমন অনেক পাথর আছে যার অভ্যন্তরে সোনা থাকে । তারা সেই পাথর খোদাই করে এর একটা নির্দিষ্ট আকার দেয় । নেপালে নদীর বালুতে সোনা বয়ে আসত । সত্যযুগে তোমাদের অনেক সোনার প্রাপ্তি হয় । এখন সোনা নেই, সম্পূর্ণরূপে শেষ হয়ে গেছে । সমস্ত খনি শূন্য হয়ে গেছে । স্বর্গে সোনার মহল তৈরি হতো । আবারও একবার আমরা আমাদের স্বর্গের স্থাপনা করছি । এমন অনেক বাচ্চা আছে যারা বাবাকে কখনও না দেখেই লেখে, বাবা আমরা তোমার হয়েছি । এখন তোমরা অমর হওয়ার জন্য শিববাবার থেকে অমরকথা শুনছ । বিশ্বাস থেকেই বিজয় প্রাপ্তি । বিশ্বাসও দৃঢ় হতে হয় । আচ্ছা -

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ -স্নেহ আর গুড মর্নিং । রুহানী বাবার রুহানী বাচ্চাদের নমস্কার ।

\*ধারণার জন্য মুখ্য সারঃ-\*

১) নিশ্চয় বুদ্ধি হয়ে বাবার প্রতি সম্পূর্ণ লাভ রাখতে হবে । বাবার ফরমান অনুসরণ করে মায়ার উপর বিজয় প্রাপ্ত করতে হবে ।

২) জীবিকা নির্বাহের জন্য কর্ম করতে করতে তোমাকে কর্মযোগী হতে হবে । আট ঘণ্টার স্মরণের চার্ট অবশ্যই তৈরি করতে হবে ।

\*বরদানঃ- স্মৃতির মহত্ব জেনে নিজের শ্রেষ্ঠ স্থিতি বানিয়ে অবিনাশী তিলকধারী ভব\*

ভক্তিমার্গে তিলক অনেক মহত্বপূর্ণ । যখন রাজ্য হস্তান্তর হয়, তিলক লাগানো হয়, হিন্দু সতী-সাক্ষী রমণী এবং ভাগ্যেরও চিহ্ন তিলক । ভক্তিমার্গে স্মৃতি তিলকের অনেক মহত্ব । যেমন স্মৃতি তেমন স্থিতি । যদি স্মৃতি শ্রেষ্ঠ হয় তবে স্থিতিও শ্রেষ্ঠ হবে এইজন্য বাপদাদা বাচ্চাদের তিন স্মৃতির তিলক এঁকেছেন । স্ব-স্মৃতি, বাবার স্মৃতি এবং শ্রেষ্ঠ কর্মের জন্য ডামার স্মৃতি - অমৃতবেলায় এই তিন স্মৃতির তিলক লাগায় এমন অবিনাশী তিলকধারী বাচ্চাদের স্থিতি সদা শ্রেষ্ঠ থাকে ।

\*স্লোগানঃ- সর্বদা, অনবরত শুভ ভাবনা ভাবতে থাকলে সব কিছু শুভ হয়ে যাবে\* ।